



大清一統志卷

海城縣

在府南二百四十里東西距二百九十里

城界西至鐵廠堡九十里廣寧縣界南至鞍山驛六十

沙河十里蓋州城守所轄界六至鞍山驛六十

里遼陽州界東南南至岫巖河二百七

城界西南至海一百里海界東北至安平河一

百七十里奉天將軍所轄界西

北至平陽堡九十里廣寧縣界

建置沿革本沃沮國地見遼漢置元菟郡後以沃沮為

縣屬樂浪後漢罷

按後漢書沃沮傳武帝滅朝鮮以沃沮地置元菟郡後徙郡於高句

驪西地史以沃沮為縣屬樂浪東部都尉至隋時高

麗為沙卑城唐置蓋牟州屬安東都督府舊唐書志

海城縣

州之一無城池高麗降戶以其渠帥為都督羈縻之渤海號南京南海府有沃

沮縣遼史志渤海南京南海府登州遼設海州南

海軍領臨漠一縣耀嬪二州金改澄州南海軍領臨

漠析木二縣金史志登州南海軍本遼元省州縣屬

遼陽路明洪武九年置海州衛隸遼東都指揮使司

本朝順治十年改為海城縣隸遼陽府十四年改屬奉

天府

城池海城縣城即故海州衛城亦曰卑沙城高麗所築

疊石為城幅員九里或謠為卑奢城自登萊海道趣

高麗之平壤必先出此隋大業十年來護兒出道至

卑奢城敗高麗兵將趣平壤高麗懼而請降唐貞觀

十八年伐高麗張亮帥舟師自東萊渡海襲卑沙城

其城四面懸絕唯西門可上唐兵攻拔之總章初李

世勣復得其地後沒於渤海置南京南海府兼置沃

州領沃沮鷺岩龍山濱海昇平靈泉六縣遼改置臨

漠縣為海州治金為登州治元州縣俱廢明洪武九

年靖海侯督本衛指揮劉成等修築方六里五十三

步有奇高三丈四尺池深一丈一尺濶三丈五尺周

圍六里八十三步○門四○東鎮武○南廣威○西臨靖○北來
遠○舊城周圍五里一百五十二步○北關城周圍四里
二百二十四步○新城周圍二里一百七十六步○通共
周圍十二里一百九十二步○城毀池淤

本朝天命八年○即舊城東南隅增築西北兩面○南北門
各一○四門二○東門仍舊○周圍二里一百七十六步○縣
治仍設於舊城內○

形勢群山拱繞○巨海滌流○南區要害○縣志襟帶遼陽○羽翼
廣寧○控東西之孔道○當海運之咽喉○遼左重地也○

風俗性剛好獵○質多而少文○新志

戶口實在人丁三千七百五十一丁○共徵豆二千一百

六十四石三升八合零

田賦實在地五萬三千一十九畝○共徵米三千九百七

十六石四斗二升五合

山川晉石山新城內○山西有潭○相傳龍潛其下○雖風雨

晦冥○水中常有月形○南雙山城東四里○東水泉山城

東十里○石羊山城東二十三里○鷹窩山城東三十里○

馬方屯山城東三十三里○小米寨山城東四十里○南

水泉山城南三十五里○瓔珞山城南四十里○佛溝山
 城南五十五里○又名佛爺溝○雞冠山城南五十八里○
 石柱山城南七十里○俗呼石柱溝○柳河山城北十五
 里○麻崖山城北二十里○俗呼烟臺山○駱駝山城北三
 十七里○鐵石山城北三十八里○湯岡山城北四十五
 里○東麓有溫泉○鞍山城北六十里○上有西陽寺○一洞
 深邃莫測○狼虎山城東南八里○一名攔河山○又名攔
 柯山○繡嶺山城東南十一里○上有三泉○色白味甘○羸
 城山城東南十三里○白山城東南二十里○俗呼勒馬

峪○大歪山城東南二十五里○三角山城東南三十里○
 金塔山城東南四十里○上有金塔寺○鷹首山城東南
 四十二里○俗呼鷹首溝○蓋山城東南四十七里○上有
 小堡○姑嫂石山城東南五十里○上有城○相傳有二女
 登石仙去○故名○山城東南五十里○鶉鴿山城東
 南五十二里○上有城及井○聖泉山城東南五十二里○
 上有聖泉寺○斜文寨山城東南五十五里○養猪園山
 城東南六十里○海留船山城東南六十五里○蟒溝山
 城東南六十五里○即高麗館○松岬山城東南八十

一里○弟兄山城東南九十里○黑山城東南九十里○唐
 喟山城東南一百里○牛心山城東南一百里○砥柱山
 城東南一百八里○白沙山城東南一百十里○磨菘山
 城東南一百二十里○香爐山城東南一百四十里○嶺
 峒山城東南一百五十里○俗呼礦洞山○赤崖山城東
 南一百九十里○關門山城東南二百里○魚山城西南
 五里○一名迎駕山○平頂山城西南十里○上有積水○冬
 夏不涸○俗名浴盆山○唐太宗曾駐蹕於此○一名車駕
 山○又曰唐望山○靈暉山城西南二十里○老虎洞山城

西南三十里○塔山城西南三十里○下有塔山堡○降龍
 山城西南三十五里○即皮佛寺山○妙山城西南三十
 五里○老虎山城西南五十三里○張家窪山城西南五
 十三里○雪梨山城西南五十七里○猪嘴山城西南六
 十里○即老山寺山○關山城西南六十五里○俗呼觀馬
 山○又名關門山○聖水山城西南七十里○有聖水寺○迷
 真山城西南七十里○俗呼瞭高山○又名眼甲山○上有
 奶奶廟○大孤山城西南八十里○北雙山城東北五里○
 山城東北三十五里○甕園山城東北三十五里○

駙馬營山城東北四十里○大圍山城東北四十里○黑
 山城東北八十里○青山城東北八十五里○木查嶺城
 東二十五里○朝陽嶺城東三十八里○灰窰嶺城南二
 十里○南蟠嶺城南三十五里○棗兒嶺城南六十里○石
 門嶺城東南二十六里○滑石嶺城東南三十里○缸窰
 嶺城東南三十五里○東盤嶺城東南三十五里○黃土
 嶺城東南六十里○白土嶺城東南六十里○虹霓嶺城
 東南七十五里○俗呼紅旗嶺○東分水嶺城東南八十
 里○明一統志云○在蓋州衛東一百四十里○綿亘數百

里○山下有泉○東西分流故名○今在海城界內○綿亘斷
 續○東南入蓋平境○南分水嶺城東南九十五里○小片
 嶺城東南一百五里○大片嶺城東南一百二十里○老
 鸛嶺城東南一百六十四里○頭道孤嶺城東南二百
 里○大嶺城東南二百里○搭連嶺城東南二百二十里○
 二道孤嶺城東南二百二十五里○三道孤嶺城東南
 二百三十三里○四道孤嶺城東南二百三十七里○五
 道孤嶺城東南二百五十里○金錢嶺城西南四十五
 里○寒蒲嶺城西南五十里○猪窩嶺城東北四十五里○

高嶺城東北六十里○雙塔嶺城東北七十里○天馬峰
城南十七里○康家峪城東三十五里○安家峪城東四
十里○訾家峪城南二里○蔭子峪城南四十里○丁家
峪城東南十五里○羊角峪城東南四十二里○靈通峪
城東南四十六里○大同峪城東南四十八里○恒恒峪
城東南五十里○樓房峪城東南五十二里○塔子峪城
東南五十六里○莽葛筮峪城東南六十里○八斗峪城
東南六十里○柳子峪城東南六十里○羊刺峪城東南
六十里○花紅峪城東南六十三里○黑峪城東南六十

三里○石棚峪城西南五十里○三盤峪城東北九十三
里○散水河城東十五里○源出塞外○西流經縣境○下流
入太子河○木查河城東三十里○源出木查嶺○南流入
楊柳河○開河城東三十里○見全遼志○三岔河城西六
十里○即遼河○渾河○太子河○合流入海處○自三河堡起
至海口○水路二百六十三里○新開河城西七十里○與
城西二百九十里○三岔河通西入海○見全遼志○楊柳
河城南一里○源出南分水嶺○西北流入三岔河○俗呼
沙河○八里河城南八里○源出南水泉山○西流散漫○相

傳唐尉遲恭洗馬於此。土河城北十五里。源有二。一出分水嶺。一出猪窩嶺。至土河舖。合流經牛莊西北。入三岔河。鞍山河城六十里。源出雙塔嶺。入太子河。下流又曰新開河。峽河城西南二十里。源出寒蒲嶺。西流至妙山。北入蓮花泊。淤泥河城西南六十五里。按遼史曰。涓水亦曰泥河。又水多蘄芋之草。亦曰蘄芋。灤。明一統志。又以朝鮮大通江為涓水。今按淤泥河源出聖水山。流至迷真山西散漫。則此河即遼之蘄芋。灤。明志以大通江為涓水。誤。又相傳唐太宗

陷馬處。蓮花泊城西南六十里。勃錯水在城西北。唐貞觀十九年。親征高麗。攻安市城不克。還至遼東。渡遼水。遼澤泥淖。車馬不通。命長孫無忌剪草填道。至蒲溝。駐馬。督填諸道。軍渡勃錯水。暴風雪。士卒沾濕多死者。胡嶠曰。蒲溝勃錯水。皆在遼澤中也。海城西南牛莊一帶俱近海。明海運自山海關海道來者。至此登岸。齊都賦。海之出者為勃。遼東延袤二千里。其南面皆臨勃海。遼志。遼陽府東至北烏魯虎克四百里。南至海邊鐵山八百六十里。西至望平海口三

百六十里○東西南三面○皆抱大海○

古蹟○古沃沮國○遼史○海州○本沃沮國地○高麗為沙卑城○

唐李勣嘗攻焉○唐伐高麗○程名振攻沙卑城○入其西

門○即此○按漢書○東沃沮○北與挹婁○南與濊接○又有北

沃沮○去南沃沮八百里○古新昌縣在城東○漢縣屬遼

東郡○後漢因之○永寧二年○高句驪與鮮卑寇遼東○太

守蔡諷追擊之於新昌城○歿○晉亦為新昌縣○咸和九

年○慕容仁自平郭趨新昌○都護王寓擊走之○遂徙新

昌入襄平○時仁與慕容皝相攻也○古遼隊縣城西六

十里○今三岔河牛庄之地○漢書志○遼東郡遼隊縣○後

漢初廢○公孫度復置○魏景初元年○幽州刺史毋丘儉○

擊公孫淵○屯遼東南界○淵逆儉於遼隊○會天雨十餘

日○遼水大漲○儉戰不利○引軍還右北平○明年○司馬懿

伐公孫淵○淵使其將畢衍楊祚屯遼隊○圍塹二十餘

里○懿佯出其南○而潛軍濟水出其北○徑指襄平○晉廢

水○經注○遼水西南至○隊縣○入大遼水者也○勃海國

置永豐縣○遼曰便鄉○屬遼陽府○金廢○古山鄉縣城西

六十里○遼史志○東京遼陽府山鄉縣○本漢遼隊縣地○

渤海為永豐縣。遼改仙鄉屬東京。以仙人白仲理煉
 丹故名。金廢。古臨溟縣城東一百八十里。遼置屬海
 州。金屬澄州。元省。見至遼志古房縣在城北。漢置屬遼東。
 晉省入襄平。古析木縣城東南四十里。漢望平縣地。
 屬遼東郡。後漢因之。晉改屬元菟郡。渤海置花山縣。
 遼改曰析木。屬遼陽府。尋置銅州。廣利軍治焉。金皇
 統三年。州廢。以縣屬澄州。元省。古巖淵縣城西南百
 里。即渤海所置縣也。遼因之。屬耀州。遼史志云。巖淵
 縣東界新羅。故半壤城在縣西南。東北至海州一百

二十里。金廢。古耀州城西南六十里。遼史志。耀州本
 渤海椒州。故縣椒山。貂嶺。漸泉。尖山。巖淵。皆廢。領巖
 淵一縣。仍屬海州。南海軍節度。金廢。古居就縣城東
 北。漢縣。屬遼東郡。後漢省。晉復置。咸和九年。慕容皝
 擊其弟仁於遼東。入襄平。居就及新昌。皆降於皝。古
 嬪州在城西北。渤海置晴州於此。領天晴。神陽。蓮池。
 狼山。仙巖。五縣。遼改。嬪州。仍屬海州。南海軍。金廢。
 故海州衛在城內。明洪武九年置。今廢。渤海南京城
 即故海州城。新唐書。渤海大氏。以沃沮故城為南京

南海府領沃晴椒三州遼史志渤海大氏南海府疊石為城幅員九里都督沃晴椒三州沃沮鷲巖龍山濱海昇平靈泉六縣改為海州南海軍諸州縣皆廢牛莊城城西四十里明置驛本朝天命八年重建城周圍二里九十三步東西北門各一今設城守西古城城西七十里遼河濱南古城城南二十里干陽寨古城城西南四十五里北古城城西北二十五里新開河城城西北四十里周圍一里二百九十四步東南門各一元巡檢司鎮海城之內明為衛治煉

丹臺城西二十里相傳仙人白仲理煉丹於此明一

統志地名新臺子遼置仙鄉縣以此取名按水經注

無終山白帛仲理所合神丹處作黃金五千斤以救

百姓在今玉田縣相去不遠或亦隱居遼隊矣郡國志

水西南有白仲理墓前有祠堂碑題曰真人白若之表晉永寧二年志在河南洛陽縣

城西南二十五里明一統志地名鄧家臺相傳唐薛

仁貴搗戟於此泉水出按唐書薛仁貴傳王師攻

安市城仁貴持戟腰鞬搗戟出泉蓋蘇屯城西北三

十里唐高麗蓋蘇文所居故名明一統志地名耿家

莊○按舊唐書高麗傳○西部大人蓋蘇文○殺高建武○自立為莫離支○猶中國兵部尚書兼中書令職也○專國政○蘇文姓錢氏○鬚貌甚偉○形體魁傑○身佩五刀○左右莫敢仰視○恒令其屬官俯伏於地踐之○上馬下馬亦如之○出必先布隊仗○導者長呼以辟行人○百姓畏之○皆自投坑谷○太宗出師弔伐○進軍至遼東城云○管公屯城西北五十五里○明一統志○地名新臺子○相傳管寧依公孫度寓居之所○獨異志云○管寧死遼東○三十七年○歸柩而阻海風○同行數十船俱沒○惟寧船望見火光○投之得島嶼○及上岸○無火亦無人○元晏先生以為積善之感○屯少井○男女爭汲○寧鬻器分置井側○遂相誠不復爭○有牛暴寧田○寧置牛於涼處以食之○牛主大慙而退○由是禮讓之風行於海表○

關隘○梁房口關城西南七十里○又東南九十里○即蓋州也○海運之舟○由旅順口達者○於此入於遼河○旁有鹽場○三○其二舊屬瀋陽○一舊屬遼陽○各置百戶所○屯戍○大片嶺關城東一百十里○舊置官軍戍守○

橋梁○沙河橋城西十里○利涉橋城西四十里○三汊河橋

城西六十里。三里橋城北五里。土河橋城北十五里。

八里橋城西南八里。夾河橋城西南二十里。散水橋

城西南三十里。楊家橋城西南七十里。橋頭橋城西

南七十里。

祠廟寺觀風雲雷雨山川壇東門外。本朝康熙二十

一年置社稷壇西門外。本朝康熙二十一年置厲

壇北門外。本朝康熙二十一年置關帝廟西門內。

八蜡廟南門外。上帝廟城南六十里。三皇廟牛莊北

關城隍廟城內西南隅。保安寺城內全遠志三學寺。

在城西南隅。報恩寺城東南十里。法雲寺城西三十

里。毗埵寺城西南三十里。金塔寺城東南二十五里。

十方寺城西南四十五里。聖水寺城南七十里。

名宦漢蔡諷建元元年以遼東太守與元菟太守姚光

等將兵出擊捕斬貊帥。殺後與八千人攻遼隊。漢縣

遼東郡今其地。殺掠吏人。蔡諷等追擊於新昌。漢縣

在海城縣境。其地亦在戰歿功曹。兵曹掾龍端。兵馬掾公孫

輔。以身扞諷。俱歿。魏毋丘儉字仲恭。聞喜人。幽州刺

史。加度遼將軍。使持節護烏桓校尉。率幽州諸軍。至

襄平屯遼隊縣西六十里見古蹟司馬宣王統中軍及儉等衆

數萬討公孫淵定遼東出元菟從諸道討高句驪遣

元菟太守王頌追之過沃沮千有餘里至肅慎氏南

界刻石紀功刊丸都之山銘不耐之城穿山灌溉民

賴其利晉王寓咸和九年慕容仁趨新昌在縣東都護

王寓等走之隋來護兒大業十年出海道至卑奢城

敗高麗兵將趨平壤高麗懼而請降金蔡珪字玉甫

父松年隨元帥宗弼府珪擢進士歷澄州軍事判官

仕終濰州刺史珪學該博有補正水經宋齊北魏志

南北史志二十卷讀金石遺文跋十卷留陽志十二

卷文集五十五卷傳於世明徐使字崇謹湖廣黃岡

人幼嗜學有武畧元季初敗民失依歸衆推使為帥

保障鄉里洪武初率衆歸附授千戶陞海州衛指揮

僉事移調遼海衛陞遼東都指揮僉事卒官年七十

七居官涖政所至有聲遇事倉卒未嘗疾言遽色又

恭儉禮士推誠待物人咸德之胡珍定遼中衛指揮

僉事成化中平頂山在縣境內力戰死同陣亡者定遼中

衛指揮常潤劉璘前衛指揮耿秩東寧衛指揮高臣

康繼宗趙昂事聞褒陞二級

人物金裴滿亨遼海人大定間擢監察御史內侍梁道

兒甚驕橫滿亨劾奏後遷同知大名府事先是豪猾

縱肆莫能制者滿亨宣明約束闔境肅然改武安軍

節度使歲大雪民多凍餒捐俸賑恤又勸僚屬大姓

同心濟之轉河東北路按察司卒贈嘉議大夫

列女明程氏海城人千戶李通妻生子芳甫三歲通卒

氏甘貧守節育芳成人襲職後戍邊戰死遺妻陳氏

年尚幼守志事姑通弟兵與文亦早亡正妻宋氏文

妻陳氏俱守節不移一門四節實程氏有以倡之也

蓋平縣在府南三百六十里東西距三百十五里

鳳凰城城守所轄界西至連雲島十五里海界

南至藥古城二百四十里金州城守所轄界北

至海州沙河一百二十里牛莊城守所轄界東

南至雞冠山一百五十里金州城守所轄界

西南至鹽場堡城二百五十里金州城守所轄

界東北至析木城二百里牛莊城守所轄界

北至小孤山六十里海城縣界

建置沿革古辰韓地後漢書韓有三種一曰馬韓二曰

國其北與漢屬元菟郡後漢屬樂浪後漢書光武封

使屬樂浪魏屬平州晉初因之後屬高麗隋時高麗

為蓋牟城唐置蓋牟州屬安東都護府

舊唐書志稱此十四州之

一。無城池。高麗降戶以其渠帥為都督。羈縻之。遼志。太宗會李勣攻破蓋平城。即此。

蓋州又改辰州以辰韓得名見遼史志遼置辰州奉國軍

設建安縣隸東京

遼史志。本高麗蓋牟城。渤海辰州。井邑駢列。最為衝會。遼徙其民於

祖州初曰長平軍隸東京留守司統建安一縣

金改蓋州奉國軍又設復州

懷遠軍領永康化

仍隸東京

金史志。蓋州奉國軍。本高麗蓋牟城。遼辰州。

明昌四年。罷葛蘇館。建辰州。遼海軍。六年。以與陳同名。更取蓋葛牟為名。統湯池。建安。秀巖。熊岳。四縣。

元初屬蓋州路後屬遼陽路省縣入州明洪武九年

廢州改設蓋州復州二衛隸遼東都指揮使司

本朝康熙三年置蓋平縣屬奉天府

本蓋復金三州地。置後金州設城守。

城池蓋平城今縣城即故蓋州衛治一曰蓋牟城亦曰

蓋葛牟城唐貞觀十八年伐高麗取蓋牟城因置蓋

州遼置建安縣為州治元省入州明洪武五年指揮

吳玉更築九年開廣南面砌磚方五里八十三步高

二丈五尺池深一丈五尺濶一丈八尺周圍七里三

步門三東順清南廣恩西海寧俱有樓嘉靖甲子管

屯指揮盧沛築敵臺於城垣之四角

形勢渤海環其西南群山擁於東北為留都巖邑縣志控

大清一統志 卷
扼海島翼帶陪京井邑駢列稱為殷阜論者以為遠東根柢允矣

風俗氣習勇果勤於種藝新志

戶口實在人丁一千九百五十八丁共徵豆一千五十

石八斗三合零

田賦實本地三萬四千八百四十四畝四分九釐共徵

米二千四百三十石九斗九升五合零

山川駐蹕山在蓋平縣東唐史本名六山在安市城外

貞觀十九年征高麗攻安市城高麗將高延壽等來

救帝曰彼若勒兵連安市而壁據高山取城中粟食之縱鞞鞞掠我牛馬攻之不下此上策也及延壽至距安市四十里而屯帝曰已墮我策中矣既延壽又進一舍至城東南八里依山為陣上命李世勣將兵陣於西嶺長孫無忌將奇兵自山北出狹谷以衝其後自將步騎挾鼓角偃旗幟登北山上命諸軍聞鼓角齊出奮擊及戰高麗兵敗無忌斷其歸路延壽乃降因名其山曰駐蹕或曰城東分水嶺諸山即太宗駐蹕處也又六山今廣寧醫巫閭山之別名白谷山

城東一十里○張郎寨山城東一十五里○王寶山城東二十里○方家山城東二十三里○大王寨山城東五十里○哈達山城東七十七里○鷓山城東一百六十里○仙人嘴山城東一百八十里○石佛溝山城東二百六里○白狼山城西一十里○清風山城西一十五里○十道口山城南一十五里○清涼山城南二十六里○分山城南四十里○絲拉舖山城南四十里○饅頭山城南五十里○王小兒山城南五十二里○黃哨山城南七十五里○石棚山城南八十里○上有石棚可容數人○小龍口山城

南八十三里○鐵場山城南九十里○青泉山城南九十里○或曰即泉山也○唐咸亨二年○高麗長鉗牟尋叛立安舜為王○詔高侃李謹行討之○破其安市城○三年○又敗之於泉山○即此○或云○今復州衛城南四十里有龍泉山○即古泉山云○礪子山城南一百里○龍門湯山城南一百五里○上馬石山城南一百一十里○按舊志云○蓋州衛南海口有馬石津○晉咸和九年○遣使者由海道致命於慕容皝○船下馬石津○皆為慕容仁所留○時皝在棘城○路由平郭始達也○新唐書○自登州大洋東

北行過大謝龜歌等島北度烏湖海至馬石山東之
都里鎮所謂馬石津當即此處也安字羅山城南一

百二十五里刺榆山城南一百三十里得利山城南

一百三十二里上有得利羸城大龍口山城南一百

三十六里鈿犁山城南一百五十里東屏山城南一

百八十里按明一統志有明山在復州衛東十里謂
高麗王之子曰東明葬其上疑即此山

樂古山城南二百四十里野狐山城北二里又名銀

錠山觀家山城北七里螞蟻嘴山城北二十里李羅

山城北三十里碣石山城北四十里松岬山城東南

一十五里竈突山城東南一十五里群山環遶中有

孤峰特起若竈突然俗呼娘娘廟山鴈窩山城東南

三十里上有高麗城斷流山城東南七十里閻家閘

山城東南八十里梨兒山城東南九十里赤山城東

南一百里日入山有赤色故名布霧山城東南一百

四十里其山最高常有雲霧在其上又有城子山在

城東南一百七十里一面山城東南一百五十二里

鷄冠山城東南一百五十五里駱駝山城東南一百

五十五里又西二十里海中有屏風山蓮花山城東

南一百八十一里○上有天門石室○群峰疊翠○秀若芙蓉○俗呼蓉華山○夾河山城東南二百里○上有古堡○粟子山城東南二百里○團山城西南一十里○伴仙山城西南十五里○明天順中○有道士號黃花老人○居此修煉數年○乘鶴而去○套裡山城西南二十里○灰山城西南二十里○望海臺山城西南三十里○望海山城西南三十五里○登山可以望海○遼史志○熊岳即此○又衛西南五十里○有亭羅舖山○聖井山城西南四十里○上有石穴○濶深尺許○其水常滿○汲之不竭○火石山城西南

五十里○石棚凹山城西南九十里○鉛礦山城西南九十里○花山城西南一百里○五十寨山城西南一百一十里○西屏山城西南一百六十里○碧山城西南一百七十五里○又名黑山○駱駝山城西南一百八十里○磨盤山城西南一百九十里○孤山城西南一百九十五里○雙山城西南二百里○娘娘宮山城西南二百一十里○北汎口山城西南二百一十里○清泉山城西南二百三十里○南汎口山城西南二百四十里○官帽山城東北三里○石城山城東北十三里○一名高麗石山上

有石城○相傳城中有龍潭○朔夜見月○唐太宗征高麗○土人築此城以避兵○揚鬍子山城東北一十八里○俗呼揚鬍子溝○花兒山城東北三十里○上有樹一株高丈餘○遠近望之○其高大小如一○不知何名○開小白花○其葉凌冬不凋○犯之者輒病○土人神之○點頭山城東北三十五里○盤山城東北八十里○三塊石山城西北一十里○平山城西北四十里○舊置三萬衛鹽場百戶所○又北十里有關山○牛心山城西北四十二里○邈邈山城西北四十三里○俗呼拉拉山○小孤山城西北六

十里○鐵塔嶺城東五里○相傳有鐵塔飛去○今以石為之○七嶺城東七里○八嶺城東八里○牽馬嶺城東三十里○李二嶺城東五十里○石門嶺城東五十五里○明設關於此○秀才嶺城東六十六里○七盤嶺城東七十五里○蘭姑嶺城東八十五里○猫兒嶺城東一百五里○分水嶺城東一百四十里○綿亘數百里○山下有泉○東西分流○因名○名口嶺城南二十五里○亦名鳴珂嶺○陟松嶺城南一百里○又鍋兒峪○在城東南五十里○邊防考○衛又有猪兒峪○明初葉旺等敗敵處○舞鸚鵡嶺城南

一百里○萬家嶺城南一百二十里○徐家大嶺城南一
 百三十里○琵琶嶺城南一百八十里○俗呼爬爬嶺○青
 石嶺城北十里○舊設關○今廢○長嶺二○一在城東南一
 十里○一在城東南一百二十五里○陽關嶺城東南三
 十里○滾馬嶺城東南五十五里○哈什墓嶺城東南九
 十一里○搭連嶺城東南一百三十七里○復嶺城西南
 一百七十七里○招軍嶺城東北三十里○三道嶺城東
 北七十里○白土嶺城東北八十里○柴家峪城東一十
 八里○連雲峪城東四十三里○胡家峪城東五十里○馬

鬣峪城東五十七里○莽家峪城東六十里○葦子峪城
 東六十四里○舊志有葦子套○波濤險惡○不利行舟○坐
 草峪城東九十五里○龍爬峪城東一百三十里○閻家
 峪城南一十三里○棗兒峪城南五十里○蘇子峪城南
 八十五里○老虎峪城南一百二十五里○戴家峪城東
 南三十三里○瓦房峪城東南四十里○趙家峪城東南
 一百五里○冰峪城東南一百八十里○虎鬪馬峪城東
 北一十里○獅子峪城東北四十里○塔兒峪城東北五
 十五里○紅花峪城西北八里○連雲島城西北十五里○

明設關於此○兔兒島二○一在城西北十五里○一在城西南七十五里○長生島城西南二百二十里○舊志云長興島亦曰長生島○內容五軍○復州糧一萬二千而長生輸其七○又茶何島在城西南五十里○又西南三十里曰長生島○上有塔瓦子堂城東一百一十里○片石崖城東南二十里○謊糧堆城西北二十里○相傳唐征高麗之糧○夜築土堆覆之以米以示敵人○泥河城東七十里○亦曰蘄芋濼○以水多蘄芋草也○或謂之湏水誤矣○五重河城東一百六十九里○源出海城縣南

分水嶺○東南流經秀巖合鳳凰城○拘子河入羊河○又名五道河○舊河之源出分水嶺○流經城東北有拘子河○此合馬下流○匯清河泥河之水為臨江○注於海○志云○臨江在衛東南三百里○石嘴河城東一百九十六里○源出蘭姑嶺○東南流入五重河○清河城南二里○舊志○源出益州衛東分水嶺○西南流經此○城南俗呼州南河○又西流合淤泥河入海○志又云○衛南有祚河○或謚為梓河○即明初葉旺敗敵處○或以為即清河之支流也○今按清河源出哈達山○流至連雲島入海○沙河

城南三十五里○又名峒頭河○源出滾馬嶺○流至望海
 山南入海○冷水河○城南四十里○源出火石山○北荒甸
 泉○西流入海○六月常寒○熊岳河○城南六十一里○源出
 蘇子峪○流至兔兒島入海○浮渡河○城南九十里○又名
 鐵場河○源出萬家嶺○老虎峪○流至鉛礦山○北入海○新
 安河○城南九十五里○源出新安舖○南流入浮渡河○窰
 河○城南一百七十九里○源出駱駝山○荒甸○流至復州
 入沙河○復州河○城南一百九十里○即沙河○按明一統
 志○有沙河○源出復州東○得利羸城山○流經本衛城南

合麻河入海○今按河源出安孛羅山○流至北汛口入
 海○麻河○城南二百三十五里○源出鈿犁山○西流入復
 州河○又名藥古河○畢里河○城南九十里○源二○一出
 李二嶺○一出猫兒嶺○流至歸服堡東入海○沙河○城東
 南一百六十里○源出雞冠山○流至小松島東入海○鶯
 納河○城東南一百九十里○源出冰峪○流至鳳凰城○鐵
 山東入海○祭祀溝○城東二百二十里○源出冰峪○東南
 入石佛溝○石佛溝○城東二百六十里○源出猫兒嶺○東
 南會祭祀溝入鶯納河○周鐵溝○城東北三十里○龍灣

城東南二十里○暖泉城東二十里○

古蹟古辰州在城東○本高麗盖牟城○唐太宗會李世勣

攻破盖牟城○即此○渤海改為益州○又改辰州○以辰韓

得名○井邑駢列○最為衝會○遼徙其民於祖州○初曰長

平軍○後為辰州○奉國軍○隸東京留守司○領縣一○曰建

安○金佞改曰益州○古盧州在縣境○本渤海杉盧郡○故

縣五○山陽杉盧漢陽福巖霜巖○遼置盧州元德軍○縣

皆廢○統熊岳一縣○傍海有熊岳山○金廢縣○古鐵州城

東九十里○本漢安市縣○渤海置鐵州○故縣四位○城河

端蒼山○龍珍○遼置鐵州○建武軍○四縣皆廢○領湯池一

縣○金州廢○以縣屬益州○古橫山縣在縣境○復州城南

六○里○見全遼志○古建安縣城西南○漢平郭縣地○高

麗置建安城於此○唐貞觀十八年○伐高麗○張儉進度

遼水○趨建安城○又李世勣言建安在南○安市在北○安

市先下○然後向建安○二城益相近也○儀鳳初○徙熊津

都督於建安故城○其百濟戶口先從徐克等州者○皆

置建安○舊志自遼東城西南行三百里○至建安城○遼

置建安縣○益循舊名○非即舊城也○古湯池縣城東北

六十里。遼置。屬鐵州。建武軍。今為湯池砦。堡。見全遼志。古西安平縣。在縣東。漢縣。屬遼東郡。後漢及晉因之。咸康七年。石虎將王華帥舟師自海道襲燕安平。破之。即此城也。古文縣。在縣城西。平郭之西。漢置。文縣。屬遼東郡。後漢改曰汶縣。晉因之。咸和八年。慕容皝遣苻攻其弟仁於平郭。敗於跋城之北。古安市縣。城。東北七十里。漢置。屬遼東郡。後漢因之。晉廢。高麗為安市城。唐太宗貞觀十九年。征高麗。攻之不下。薛仁貴白衣登城。即此。咸亨三年。高麗餘眾復叛。遣將

高侃擊之。敗之於安市城。古平郭縣。在縣南。漢置。屬

遼東郡。漢書志。平郭縣有鐵官。鹽官。後漢志。平郭有

鐵今縣城東九十里。有鐵場堡。舊置鐵州。晉省縣。而城存。大興四年。慕

容鹿以其子翰鎮遼東。仁鎮平郭。咸和八年。仁據平

郭。以叛慕容皝。咸康二年。既襲仁於平郭。自昌黎來

踐冰而進。凡三百餘里。至歷林口。捨輜重。輕兵趨平

郭。遂克之。歷林口。蓋在城西北。昔時濱海要口也。七

年。皝又使其子恪鎮平郭城。後魏時廢。古永康縣。即

故復州衛治。遼置永寧縣。復州治焉。金大定七年。更

名永康元廢明洪武十五年因舊城修築永樂四年
 增修周四里有奇古興遼縣在縣東遼置遼史志興
 遼縣本漢平郭縣地渤海改為長寧縣唐元和中渤
 海王大仁秀南定新羅北置諸部開置郡邑因名金
 廢古歸勝縣在縣境復州城東北遼置歸州治歸勝
 縣金廢為歸勝鎮又衛東有懷化城遼置縣屬蘇州
 金省古得勝縣遼置屬復州金廢古益牟城高麗置
 唐太宗征高麗李勣攻破益牟城即此古化城縣在
 縣境復州城南七十里見全遼志得利羸城在縣境

復州城東八十里元季土人築以避兵明初洪武四
 年置遼東衛治此尋徙入司城中曰定遼後衛又南
 有發德勝縣魏霸山城在縣境復州城東南一百八
 十里後黃城在縣東亦高麗所置唐太宗攻安市先
 拔其後黃銀城二城榜什堡城城東四十六里秀巖
 城有二新城在縣東一百六十八里周圍一百步南
 門一舊城在縣東一百七十二里周圍二里三百四
 步西南門各一本名大寧鎮金明昌四年升為秀巖
 縣泰和四年廢為鎮貞祐四年復為縣屬益州元廢

全遼志○秀安縣在蓋州城南六十里○今為熊岳堡頂
 山堡城城向五十里○周圍一里十五步○熊岳城城南
 六十里○遼史志○渤海杉盧郡也○遼改置盧州元德軍
 金州廢○治熊岳縣屬蓋州○元廢○志云縣西至海十五
 里○傍海有熊岳山○今為熊岳堡○下有熊岳河○古城城
 南六十里○周圍八十五步○南門一○歸州堡城城南九
 十五○周圍一里八十八步○遼置歸州領歸勝縣○金廢
 永寧監城城南一百五十里○永樂七年○建城○周三里
 有奇○有東西南三門○志云舊有昇平新昌等監六廿

泉安山河陰古城等苑二十四○後惟存永寧一監○清
 河深河二苑○仍屬遼東行太僕寺及苑馬寺○寺皆置
 於珙城內○全遼志○南苑在蓋州城南一百三十里○今
 為永寧監○復州城城南一百八十里○周圍四里一百
 八十步○東北門各一○南至金州一百八十里○西北至
 廣寧五百四十里○東南至海二百四十里○秦漢時遼
 東郡地○唐沒於渤海○遼置復州懷德軍○金仍曰復州
 元廢○明洪武十四年○置復州衛○本金永康縣舊址○門
 三○東通明南迎恩○北鎮海○舊稱山海環峙○川原沃衍

亦遠左之與區也。烏骨城在城東北。安市東南。近大海。唐史自登州東北海行至烏湖島。又行五百里東傍海蠕有道至烏骨江。唐貞觀中。太宗圍白岩城。烏骨城遣兵為聲援。又太宗圍安市不下。群臣皆言宜釋安市。并力拔烏骨城。度鴨綠水。直取平壤是也。藥古城城南二百四十里。周圍一里二百十三步。南門一。鐵嶺屯堡城城北五十五里。周圍一百九十步。湯池堡城城東北六十里。周圍一里二十步。又故蓋州衛西北十五里有背陰塞堡。又西北有平山堡八角

湖堡衛南一百二十里有五十寨堡。又衛東北九十里。有排山寨。東二百五十里。有岫岩寨。曷蘇館在縣境。後州城東南。遠移女真部落數千家於此。置館領之。謂之熟女直。金亦置曷蘇館路節度使。後徙於寧州。尋廢。寧州見故三萬衛。

關隘石門關城東七十里。舊有官軍屯戍。今廢。連雲島

關城西十五里。舊置關以控海濱之險。今廢。又梁房口關在縣西北九十里。又有梁房口堡。設兵戍守。與海接界。藥古關在縣境。復州城南六十五里。青石嶺

關城北十二里○山勢綿亘○鑿山通路○縣出入必由○為形勝險隘之處○

橋梁

聖旭橋城東門外○惠風橋城南門外○清河橋城南

門外○媧頭河橋城南二十五里○張果老橋城南四十

里○石有驢跡○仙人橋城南五十里○新安河橋城南六

十里○熊岳河橋城南六十里○大石橋城北五十五里○

即淤泥河橋小石橋城西南二十里○真武橋在縣境

復州城東門外○沙河橋在縣境復州城南八里○北清

渡橋在縣境復州城西南四十里○

陵墓

東明王墓後漢書夫餘國初索離國王出行其侍

兒於後姪身王欲殺之侍兒曰前見天上有氣大如

鷄子來降我因以有身王囚之後遂生男王令置於

豕牢豕以口氣噓之不死復徙於馬闌馬亦如之王

以為神乃聽母收養名曰東明長而善射王忌其勇

復欲殺之東明奔走南至掩淪水以弓擊水魚鱉聚

浮東明乘之得渡因至夫餘而王之焉隋書曰高麗

之先出自夫餘夫餘王嘗得河伯女因閉於室內為

日光隨而照之感而遂孕生一大卵有一男子破殼

而出。名曰朱蒙。朱蒙曰：我是河伯外孫，日之子也。朱蒙建國，自號高句驪。以高為氏。又云百濟之先，出自高麗。名曰東明。舊志：明山在復州衛東一十里。元志：有明王山在遼陽東三十里。謂高句驪王之子曰東明，葬其上。新志云：復州東二十里有東屏山，墓湮沒無考。東屏山在蓋平縣城南一百八十里，疑即明山。東明所葬。

祠廟寺觀
花將軍祠
明花雲懷遠人，守太平與陳友諒力戰，被縛不屈。怒罵曰：賊子爾縛我，吾主必滅爾。斫

爾為膾也。遂奮躍大呼而起，縛皆絕。奪守者刀，連斫五六人。賊怒，縛雲於檣，叢射之。雲至死罵不絕口。妻郜氏，囑三歲兒於妾孫氏，赴水死。子煒，拜復州衛指揮僉事，雲贈侯爵。本衛立祠。春秋祭祀，贈郜氏貞烈夫人。孫氏亦封安人。從祀廣威將軍祠。在蓋平縣。祀張良佐，元遼陽行省左丞。明洪武四年辛亥，力贊劉益奉表歸附。太祖授良佐廣威將軍，僉蓋州衛指揮。事以征納哈出。及乃兒不花有功，既卒，永樂間勅建祠宇。守土官春秋致祭。見全遼志。蓋州社稷壇在城

東北風雲雷雨山川壇在城南八蜡廟在城東五里
 厲壇在城北城隍廟在城內西北隅關帝廟在城東
 門外元真觀在城西門內即上帝廟崇教寺在城內
 興隆寺在城內道林寺在城內

名宦魏公孫恭度之弟為遼東太守魏文帝拜車騎將

軍尋封為平郭侯

漢縣至晉縣省城存其地在今蓋平縣與金改平郭縣在今鐵嶺者

異金完顏齊穆宗曾孫大定中授同知復州軍州事

先是復州合廝罕關地方七百餘里因圍獵禁民樵
 捕齊言其地肥衍令賦民開種則公私有益上然之

為弛禁即牧民以居收穫甚利因名其地曰合廝罕

猛安明吳立宿州人性慈孝純篤洪武初以大都督

府斷事招撫遼東遷蓋州衛指揮僉事再破納哈出

屢有軍功守葢二十餘年治城郭練甲兵課農興學

勤勞夙夜由是兵食饒足政事修舉人多頌之房嵩

仕元隸平章劉益部下洪武初力贊益奉表歸款及

益被洪保保所害嵩等勒兵悉捕其黨馬彥輝等斬

之迎吳立於得利羸城攝遼東衛事嵩及良佐為指

揮與吳立共守葢州大敗納哈出乘勝進擊斬獲甚

多○花燁懷遠人○父雲以樞密院判官守太平○與偽漢
 陳友諒力戰○糧絕城陷○被縛不屈而死○燁甫三歲○母
 郃氏囑侍妾孫氏撫之○為花氏○後遂赴水死○孫氏抱
 燁多歷艱險○踰年奏明太祖前泣拜○上亦泣○真燁於
 膝○曰○將種也○優育之○贈雲東丘郡侯○燁八歲○侍皇太
 子○就學○年二十○復州衛指揮僉事○命立雲祠○餘見花
將軍祠
人物晉公孫永字子陽襄平人○幼而好學○隱於平郭○蓋在
平不娶○非身墾殖不食○年九十餘○操尚如一○慕容暉
縣徵之不拜○歲餘詐狂○暉送歸平郭○苻堅亦以禮徵之○

因其年老道遠○遣使致問○未至而卒○堅深悼之○謚曰

崇虛先生○**金拈割**幹特刺○蓋州人○貞元初○宗毅言宋

人欲起兵○釁求見世宗○遣幹特刺詰之○無狀○還報稱

旨○授左司員外郎○累官刑部尚書○世宗嘗曰○擇材最

難○如幹特刺所舉者○頗稱朕意○委提控代州阜通監

進尚書右丞○兼樞密副使○明年○改上京○畱守○還拜平

章政事○封芮國公○**完顏弼**○蓋州人○克護衛○戍邊有功○

除同知德州防禦使○入為武衛軍副都指揮使○至寧

元年○東京不守○弼為左監軍捍禦遼東○尋改知東平

府山東西路宣撫副使。時有亂黨張汝楫弼計殺之。招降甚衆。封密國公。弼生平喜讀書。延儒士。有古良將之風。幹勒忠。葢州人。歷兵部。樞密院尚書省令史。轉大理。能執法。練達邊事。嘗奉使北歸。致馬四千餘匹。詔褒之。為監察御史。轉尚書省都事。章宗立。遷尚書兵部員外郎。出為滄州刺史。授北京副留守。入同僉樞密院事。承安二年。拜武寧軍節度使。性敦慤。通法律。以直自守。不交權貴。時譽歸之。完顏閭山葢州人。明昌初進士。累官沁南節度使。入為工部尚書。後知鳳翔平涼府。有聲。召為吏部尚書。王政葢州人。遼季高永昌據遼東。知政材畧。欲用之。不就。永昌敗。渤海人爭縛以為功。政獨遂。巡引退。吳王闍母聞而異之。言於太祖。授廬州渤海軍謀克。及金兵畧宋滑州。降。留政為安撫使。政從數騎入州。釋繫囚。發倉廩。民大悅。尋除同知金勝軍節度使。兼掌軍資。是時筦庫金帛山積。而出納無錙銖之失。吳王曰。官久而不加富何也。對曰。政以楊震四知自守。安得不貧。吳王笑曰。前言戲之耳。以黃金乘馬遺之。溫廸罕達葢州人。

性敦厚寡言笑初舉進士人多易視達貌上曰汝欲求官耶達曰取人以才豈以貌衆咸異之明昌五年遷監察御史宣宗遷汴以本職護衛上疏言遼東為興王之地當專守以繫一方之心又言宰相繫天下輕重不宜權攝俄克陝州行樞密院參議官劉仲尹蓋州人登進士以潞州節度副使歷都水監丞家豪侈能折節讀書詩詞樂府俱極蘊藉著有龍山集王庭筠蓋州熊岳人生未期視書識十七字七歲學詩涿郡王修一見期以國士登大定進士調恩州軍判

官臨政有聲再調館陶主簿召為應奉翰林文字遷修撰泰和元年扈從秋山應制賦詩三十餘首上甚嘉之明年卒詔有司賻錢以給喪事求平生詩文藏之秘閣龐鑄蓋州人少年登第為翰林待制博學工詩文世多傳之烏古論仲溫蓋州人貞祐初為鎮南軍節度使中都被圍以鄉兵馳救不能進還鎮元兵大至城破不屈而死贈資德大夫婆速路兵馬都總管謚忠毅元王明之蓋州人累官翰林學士卒追贈太原郡公明陳鑑蓋州人正統進士賜及第官翰林

學士使朝鮮有皇華集行於世歷官祭酒禮部侍郎

蘭英蓋州軍成化初調廣寧操備後於歐總兵信九

年春隨歐追敵於小黑山敵因風縱火軍潰歐馬中

箭死英以已馬授歐得出英遇害有碑詞表之

流寓後唐胡嶠同州郃陽令石晉末陷遼蕭翰掌書記

居復州遼史志內載周廣順中北行胡嶠記北行及

地理所志胡氏者即嶠也

列女明潘氏蓋州人生員高琰妻琰故無子潘年十九

以紡織自養守節三十五年嘉靖中旌表之

金州 城字在奉天府南七百二十里東西距一百

九十里海界西至麻洋島四十二里海界南至紅

土崖十二里海界北至欒古城一百二十里蓋

平城守所轄界東南至海青島五十里海界西

南至鐵山一百五十里海界東北至松嶺山三

百十里鳳凰城守所轄界西北至鹽場

堡一百七十餘里蓋平城守所轄界

建置沿革秦漢時遼東郡地高麗為南蘓城唐平高麗

顯慶中置南蘓州尋沒於渤海遼置蘇州安復軍兼

置來蘓縣為州治金皇統三年廢貞祐四年改置金

州元廢明洪武四年置金州衛領中左千戶所

本朝初隸海城縣康熙三年設蓋平縣改隸馬康熙二

十年隸城守章京

城池金州城本元萬戶府舊址○明洪武四年○都指揮馬

雲葉旺修築○十年○指揮韋富砌磚○方六里○高三丈三

尺○池深一丈二尺○濶六丈五尺○門四○東春和○西寧海○

南承恩○北永安○角樓四○嘉靖四十二年○都御史王之

誥添設片臺四○城控臨海島○明初屢有倭警○自劉江

告拔而患息○舊制運道○由登州新河海口○至金州鐵

山旅順口○通計五百五十里○自旅順口○至海州梁房

口○三岔河亦五百五十里○海中島嶼相望○皆可灣船

避風○運道由此而達○可直抵遼瀋○以迄開原城西之

老米灣○河東等處○俱可無不給之虞○自正德以後○舊

制浸廢○嘉靖三十七年○遼東大祲○督臣王忬等○請開

海禁○以紓遼困○從之○四十年○山東撫臣朱衡○以奸民

伏匿○言其不便○遂罷○

本朝康熙三年○隸蓋平縣○地有不盡屬蓋平者○設金州

城守防守尉等官轄之○

形勢俯滄溟○環巨島○扼青海之咽喉○壯陪京之南徼○

風俗擅魚鹽○勤耕作○

山川蕭家山城東四里○泉水河發源於此○大黑山城東

十里○小沙河○發源於此○絕頂有城○四面懸絕○惟西面

一路可通○中有井○昔人避兵處也○唐貞觀十九年六

月丙辰○鳳凰見於金州大黑山之古城○鳳凰山城東

十里○團山城東七十里○豹山城東八十里○又名豹子

島○城子山城東九十里○平山城北十里○雙山城北三

十五里○龍鳳口山城北四十里○小黑山城北六十里○

駱馬河○澄沙河○俱發源於此○兩妳山城北七十里○狼

虎山城北一百二十里○鐵場山城北一百二十里○五

湖嘴山城北一百三十里○細腰山城東南四十里○炭

窰山城東南四十里○駱馬山城東南五十里○扇子山

城西南五里○葛針舖山城西南四十里○鞍子山城西

南四十五里○夏家河○發源於此○棒槌島山城西南六

十五里○圍屏山城西南六十八里○沙河口發源於此○

金龍山城西南七十里○泥河發源於此○歪頭山城西

南八十五里○黃泥川山城西南九十里○架子山城西

南九十里○夾河山城西南九十五里○龍王塘山城西

南一百里○扇子石山城西南一百里○夾棒嘴山城西

南一百五里○壺瓶峒山城西南一百一十里○殷家口
山城西南一百一十里○龍王廟山城西南一百一十
里○蔡家山城西南一百一十五里○棗羊山城西南一
百二十里○黃金山城西南一百二十七里○鹽場口山
城西南一百三十里○新旅順山城西南一百三十五
里○八隻船山城西南一百四十里○羊頭峒山城西南
一百五十里○鐵山城西南一百五十里○蛇山城西南
一百六十里○石門口山城東北十里○半邊山城東北
二十里○老鶴嘴山城東北一百一十里○雙山城東北

一百二十里○龍鳳口河○發源於此○鶴山城東北一百
二十里○沙河發源於此○俗呼鞍子窩○大北山城東北
一百三十里○望簪清水二河○俱發源於此○望海臺山
城東北一百五十里○又名說烟臺○獨山城東北一百
五十里○以挺然獨秀而名○龍王廟山城東北一百六
十里○一拉塔山城東北一百八十里○壁立山城東北
二百三十里○雙臺山城東北二百八十里○對面山城
東北二百九十八里○群鹿山城東北三百一十里○松
嶺山城東北三百一十里○城子山城東北三百三十

里○臺暉山城東北三百四十里○官祭山城東北三百
四十五里○萬木山城東北三百五里○龍王廟山城西
北二里○蕎麥山城西北三十里○虎山城西北三十二
里○七頂山城西北三十五里○龍鳳寺山城西北四十
里○二十里舖嶺城北二十里○甲匠舖嶺城北三十里○
雙臺嶺城北一百一十里○樂古嶺城北一百一十五
里○長嶺城東北二百二十里○雙嶺城東北三百十里○
紅土崖城南十二里○唐家峪城西北五十里○望海嶠
城東北六十里○蓮花島城東三十里○濱海險要處也○

舊有兵戍守○金線島城東七十里○舊有兵戍○又死魚
島○城東四十里○金銀島城東七十里○太平島城東八
十里○山島城東七十五里○馬島城東九十里○老鶴嘴
島城東九十里○全遼志○又有豹子島城東一百里○骷
髏島城東一百一十里○馬鞍島城東一百一十里○廣
祿島城東一百二十里○廣頭島城東一百二十里○刮
皮島城東一百三十里○小沙島城東一百三十里○葛
藤島城東一百三十里○海仙島城東一百五十里○大
長山島城東一百五十里○舍利島城東一百六十里○

小長山島○城東一百六十二里○八叉島○城東一百七
 十里○石城島○城東一百八十里○大松島○城東一百八
 十里○小山島○城東一百八十里○王家島○城東一百九
 十里○舊志○衛東南三百里○海中有王家山島○或曰即
 王家島也○吳忙島○城東一百九十里○獐子島○城東二
 百里○海汗島○城東二百里○搭連島○城東二百十里○大
 耗子島○城東二百十五里○小耗子島○城東二百二十
 五里○皮島○城東七百餘里○地形廣衍○有險可恃○東北
 為僧福島○又東北即朝鮮東境之鐵山矣○杏園島城

西十里○紅崖島○城西十五里○溝島城西二十里○麻洋
 島城西四十里○全遼志○又有向陽島○城西六十五里○
 魚湖島○城西七十里○羅兒島○城西七十里○丁官島城
 南十里○又有臭水島○城南三十五里○泥島○城南四十
 里○青魚島○城南五十里○平島○城南六十里○三山島○城
 南七十里○小三山島○城南七十里○石門島○城南九十
 里○哈島○城南一百里○布袋島○城南一百二十里○長嘴
 島○城南一百二十里○黃島○城南一百二十七里○黃羊
 島○城南一百四十里○河口島○城北三十五里○圍島城

北三十五里○乾島城北七十里○羅兒島城北七十里○
 孛蘭島城北八十五里○小海青島城東南二十里○海
 頭島城東南二十里○大海青島城東南五十里○又有
 揚家島○城東南六十五里○長行島○城東南百餘里○諸
 島於金州○為百里碁布之勢○南關島城西南二十里○
 和尚島城西南二十里○羅家島城西南二十三里○馬
 連島城西南三十里○燕島城西南三十五里○沙河島
 城西南六十里○又名沙河口○棒槌島城西南六十七
 里○零水島城西南七十里○又名菱角灣○過島城西南

八十里○雀兒島城西南八十里○小平島城西南八十
 五里○北雙島城西南九十里○韭菜島城西南九十五
 里○南雙島城西南一百里○野鷄島城西南一百里○南
 夾河島城西南一百里○北夾河島城西南一百一十
 里○猪島城西南一百二十里○鴨頭島城西南一百二
 十里○雙島城西南一百四十五里○鐵山島城西南一
 百五十里○又有海貓島○城西南一百六十里○青山島
 城東北一百里○紅山島城東北一百里○曹家島城東
 北一百里○磨盤島城東北一百二十里○大沙島城東

北一百三十里○蕭家島城東北一百五十里○小陳家
 島城西北二十里○尖山島城西北二十五里○大陳家
 島城西北三十里○長山島城西北三十里○鹿島城西
 北三十里○鹽場島城西北三十里○蕎麥島城西北三
 十五里○七箇山島城西北三十五里○兔兒島城西北
 五十里○又有花椒島城西北一百八十里○萬山島去
 城二百里○八芝島去城二百里○鴻臚島○旅順山之北○
 望城岡城北十里○漠洛隈城西北一百九十里○鮎魚
 灣城東南六十里○海城東西南三面○及東南西南皆

濱海○致全遠志海道篇云遠東古青州自周以下遠
東屬燕青州屬齊海道無異至於漢伐朝鮮遣
揚僕從齊泛渤海出遠東而隋唐東征亦分師航海
明初置遠東即發兵戍遠東命鎮海侯吳禎總弁
師萬人由登萊轉運歲以為常至永樂四年平江伯
陳暉猶督運遠及設有屯田糧運始廢其後山東歲
運布花以給軍士皆由登州發運至金州旅順止卸
當時倭一偶犯而總兵劉江遂有望海嘯之捷其惠
亦絕歲運至弘治十八年船壞暫止山東乃征以輕
賫輸歲豐用充不暇講求嘉靖七年巡按王重賢先
為即墨知縣言有司苦於布花折色乃請通海復舊
制金州劉訓道明言家世登州自海運不通邑里蕭
條然則在山東亦自有利害矣三十七年遠東荒歉
乃欲求通先是邊將劉九容查獲海運之廢已非
一年若以打造船隻裝運布花為名則價值苦征求
之難造作惜人工之費萬無可通之時為今之計暫
既海禁隨民間有力者各置船隻從先年故道自相
貿易登金兩岸設法稽查其歲運布花仍從原議征

初折色照舊額起解巡按周斯盛奏曰國家建置之初以之隸山東者止以海道耳自旅順口以望登萊烟火可即泛舟而往一日可至以山東之入通山東之地通舟楫自有之道因天地自然之利更何以顧忌也哉巡撫侯汝諒請一開天津海道一通山東糴買與總督王忬科道先後所言同山東當事者雖多設事變戶部猶執前議舟通數月遠前巡撫路可由設言島人一聞調船必棄業嘯聚急請停止戶部遂却諸議而不虞其為越吟也夫遠東既以山海為關亦宜以海防為津先年固未嘗以望海一咽而遂雜蘆於也其運船本龍江關成造正德初以湖廣災傷魯議停止並編列金州旅順四連登州關岸水程海島使後得料遠近考廢興備成法焉詳見後關隘

泉水河城南一里源出蕭家山西流入海小沙河城北半里源出大黑山西流入海龍鳳口河城北四十里源出雙山流至鳳凰

寺山○西入海駱馬河城東南四十里源出小黑山南流入海夏家河城西南五十里源出鞍子山東北流入海沙河城西南六十里源出圍屏山流至沙河島東入海泥河城西南九十三里源出金龍山北由架子山西流入海澄沙河城東北七十里源出小黑山○東南流入海沙河城東北九十里源出鶴山○南流入海清水溝河城東北一百五里源出大北山○南流入海望簪河城東北一百四十里源出大北山○東南流入海歸服堡河城東北一百五十里源出一拉

塔山○東南流入畢利河○畢利河城東北一百八十里○
 源出布霧山○貓兒嶺兩處○流至歸服堡○東入海○明一
 統志○畢里河○源出衛東南山谷間○南流經復州衛○入
 海○本作畢列河○唐乾封元年○詔李勣為遼東道行軍
 大總管○伐高麗○又詔獨孤雲卿出鴨綠道○郭待封出
 積利道○劉仁愿出畢列道○金待問出海谷道○並為行
 軍總管○授勣節度○畢列道○蓋以此水名○俗謠為畢利
 河○其相近者○有將軍山○即明初葉旺敗敵處○又東北
 四十里○有杓子河○會畢里河入海○沙河城東北二百

四十五里○源出滾馬嶺○流至望海山○南入海○鶯納河
 城東北二百六十五里○源出水峪○流至鳳凰城鐵山○
 東入海○貴端水○舊志○在衛西南○唐永徽五年○程名振
 等討高麗○渡遼水○趨新城○高麗以其兵少○開門渡貴
 端水○逆戰○名振等大破之○焚其外郭而還○今堙○鴻臚
 井○唐鴻臚卿崔忻所鑿○在旅順口黃山之麓○刻字於
 石上○

古蹟南蘇故城○即金州治○漢志注○元菟郡高句麗縣○有
 南蘇水○即其地也○高麗所置○晉永和初○燕王皝遣慕

容恪攻高句驪○拔南蘇○隆安二年○慕容盛以高句驪
王安事燕禮慢○自將兵襲之○拔新城○南蘇二城○開境
七百餘里○隋大業七年○伐高麗○分遣段文振出南蘇
道○唐貞觀二十一年○李世勣伐高麗○渡遼水○歷南蘇
等城○敗其兵而還○又乾封二年○薛仁貴破高麗兵○拔
其南蘇等城○顯慶中○置南蘇州於此○尋沒於渤海○遼
置蘇州○兼置來蘇縣為州治○宋建隆初○女真自其國
之蘇州○泛海至登州賣馬○故道猶存○宣和初○復由此
道遣馬政等通金○謀攻遼○金改置化成縣○尋為金州

治○元州縣俱廢○明洪武四年修築○城四里有奇○木底
城○在城東○高麗南道○晉咸康八年○慕容皝擊高句驪○
高句驪有二道○其北道平濶○南道險狹○慕容翰曰○彼
以常情計之○必謂大軍從北道○當重北而輕南○今以
銳兵從南道擊之○出其不意○九都不足取也○別遣偏
師從北道○縱有蹉跌○其腹心已潰○四支無能為也○皝
從之○遂克高麗○蓋從北直而進者為北道○從南袂入
木底城而進者○即南道也○義熙初○後燕慕容熙攻高
麗木底城○不克○唐乾封二年○高麗襲新城○薛仁貴敗

之進擊高句驪兵於金山○遂拔其南蘇木底倉巖諸
 城○尋置木底州於此○後廢○倉巖本高麗城名○唐置巖
 州○亦在境內○營城在城南○有土城一座○見全遼志○大
 黑山城城東十五里○山頂有古城○在鳳凰山之左○方
 約二里○內有二井○四面懸絕○惟南一門可上○不知何
 代壘○砌○唐張亮帥舟師渡海○攻沙卑城○獲男婦人千
 口○意即此○見全遼志○樂古城在城北一百二十里○與
 蓋平接界○沓氏城在州東南○漢縣○屬遼東郡○後漢因
 之○晉廢○舊志云○遼河旁有沓渚○漢沓氏縣因以名○非

也○縣西南臨海渚○謂之沓渚○三國吳嘉禾二年○謀討
 公孫淵○陸瑁曰○沓渚至淵居○道里尚遠○蓋泛海至遼○
 沓渚其登涉之所也○魏景初三年○以遼東沓縣吏民○
 渡海居於郡界○立新沓縣○即沓渚之民矣○旅順城城
 南一百二十里○有南北二城○俱臨海○北城○明洪武四
 年○都指揮馬雲葉旺立水柵以守○二十年○設中左所○
 永樂九年○設都司管溝禦○十年○指揮徐剛磚砌○周圍
 一里一百步○池深一丈二尺○濶二丈○城門二○南靖海○
 北威武○南城○永樂十年○徐剛包築○周圍一里三百步○

池深一丈二尺。濶二丈五尺。城門二。南通津。北仁和。

登州衛每運軍需至此地。本朝天命十年正月癸

亥。有萬人航海至旅順。葺城駐兵。

太祖遣五貝勒統兵六千。攻戰克捷。盡殲之。毀其城而

還。二城俱圯。木羊城在城西南一百五十里。周圍二

里有奇。今圯。歸勝故城在城東北。遼置歸州。治歸勝

縣。金廢為歸勝鎮。又城東有懷化城。遼置縣。屬蘇州。

金省。新城在州城西北。高麗置。城西南傍山。東北接

南蘇木底等城。晉咸康五年。慕容皝擊高句驪。及其

新城。高句驪乞盟。乃還。隋大業九年。復伐高麗。遣王

仁恭出扶餘道。仁恭進至新城。攻之不拔。唐乾封二

年。李世勣伐高麗。渡遼。謂諸將曰。新城高麗西邊要

害。不克得之。餘城未易取也。遂壁西南山。臨城。城下

進擊一十六城。皆拔之。此蓋高麗之新城也。赤峰鎮

在廢新城東。唐顯慶三年。營州都督程名振等攻高

麗。拔其赤峰鎮。

關隘。哈思關城南十八里。金史。齊本同知復州。以合斯

罕地方七百餘里。舊因圍獵。禁民樵捕。然其地肥衍。

令民開種○則公私有益○請弛禁以居民○因名其地曰
合斯罕猛安○即此地也○舊有土城○南北抵海○橫長十
五里○中有關口通驛路○不知何代所築○明為南關舖
遞○見全遼志○旅順關城南一百二十里○昔時海運舟
達金州衛者○至此登岬○全遼志○金州旅順關口南達
登州新河水關岬○徑行五百五十里○水程適中海島
名中羊場○有石碣○上鐫南岸達北岸共五百五十里○
兩日內風力順可到○先一日辰時○自旅順發船○至晚
北抵三汊河泊岸○蓋自旅順口起○抵海中羊場黃城

二島○約三百里○自黃城南抵欽島○黿磯島○約三十里○
欽黿二島抵井島○約七十里○井島抵沙門島○一百三
十里○沙門島抵新河水關○僅二十里○總結其數○亦五
百五十里○各島相接如驛遞○而島之住戶○俱屬納水
利銀兩於金州○今廢○蕭家島舊在衛東北一百五十
里○今廢○石河堡城北六十里○周圍一里二百四十五
步○南北門各一○舊常置驛於此○今廢○城圯○望海嶗堡
城東北七十餘里○地高可駐兵千餘○明洪武初○都督
耿忠於此築堡備倭○寇至必先經此○海濱咽喉地也○

永樂十七年○總兵劉江用石壘之○倭乘海艚入犯○直
 逼城下○登岸索戰○江出奇敗之○賊奔櫻桃匯空堡○江
 圍之○特開西壁以待其奔○分兩翼夾擊○盡殲之○遠之
 倭患遂絕○櫻桃匯○或云在堡東北○又堡西有左眼右
 眼○三手西山沙州山頭瓜牙山敵臺○凡七所○接於旅
 順口○皆明初所置○今廢○紅嘴堡城東北一百二十里○
 周圍二里一百八十步○門一○今亦圯○歸服堡城東北
 一百六十里○周圍三里○門一○今城圯○東與鳳凰城接
 界○鹽場堡城西北一百七十里○周圍一里一百四十

五步○南門一○今圯○王官寨城東南三十里○周圍三百
 四十二步○南北門各一○今圯○木廠驛城西南六十里○
 周圍二里四百二十一步○南北門各一○明置驛○今廢○
 城亦圯○字蘭舖城北九十里○周圍一里二百四十六
 步○門一○今圯○山澗舖城西南九十里○有城○周圍一里
 二百四十步○南北門各一○今圯○

橋梁公王壩橋在城西北一百九十里○

名宦明張良佐元遼陽行省右丞○讀書有知畧○洪武四

年○兵屯金州○壘土為城○與左丞房嵩力贊劉益奉表

歸附○良佐等安撫軍民○詔諭開遼東衛於得利羸城○
為指揮僉事○良佐大敗納哈出○殲獲了兒卜花於火
焰山○調復州衛掌事○後以孫翔入見○太祖嘉其功○賜
蟒衣四襲○侍卒三人○許翔代職○調金州衛大學士○解
縉為良佐撰耆德記○年九十五終○韋富湖廣黃岡人○
辛丑年歸附○以功陞指揮同知○洪武乙卯○調金州衛○
是冬納哈出數萬圍金州○時城池未完○樹柵補城○寇
蟻附欲登○富令城中男女○以瓶盛沸惡於城上擲之○
著人無不糜爛○餘寇撤圍去○富悉精甲追擊敗之○擒

其渠長乃返○是後完城郭○繕甲兵○創衛治○置屯戍○宣
布恩信○撫綏勞來○功績著焉○馬雲合肥人○勇敢有謀○
授龍虎將軍都指揮使○與葉旺由登萊渡海○屯兵金
州○同心協力○設方畧○厲士卒○遠近翕然○後以軍功陞
都督府都督○仍鎮遼東○劉江宿遷人○姿貌豐偉○知識
過人○永樂間○官都督鎮守遼東○以金州倭犯○調度追
擊○斬獲甚多○倭寇遂絕○事聞褒美○封廣寧伯○給券世

襲○

人物明姜節○金州人○父早亡○正德間○母周氏病○節日夕

拜禱於庭○因獨宿戒酒肉○一日母思肉食○節密割股○
和羹以奉母食○病愈○至九十餘歲○不復有恙○人以為
孝感所致○

列女明丁氏○金州人○蕭士清妾○奉姑至孝○士清疾○飲食

俱廢○祝天願以身代○士清歿○氏悲痛累日○自縊而死○

正德間旌表○



